

續名醫類案





錢塘魏之琇編集

癥瘕附症

海昌王士維孟英同校  
定州楊照恭素園

陳自明治毘陵一貴宦妻患小便不通臍腹脹痛不可忍眾醫皆作淋治如入正散之類俱不得通陳診之曰此血

癥也非瞑眩藥不可去與桃仁煎更初服至日午大痛不可忍遂臥少頃下血塊如拳者數枚小便如黑豆汁一

二升痛止得愈此藥治病的切然猛烈大峻氣虛血弱者宜斟酌之桃仁大黃朴明各一兩蠶蟲羊兩炒黑共為

末醋煉丸梧桐子大五更初溫酒吞下五丸原注此方不可妄用良方

杜壬治馬氏婦年三十二腹中血塊作痛經五六年形已骨立眾皆曰不可為奈其未死何家甚貧而大小愆之一

日召杜至告杜曰但以濟物為懷則可業已請召明醫非所言也遂以少物帛贈杜杜不受曰但服某藥必獲安

無以是為疑遂示方用沒藥牛膝乾漆當歸各半兩礞砂木香水蛭炒紅娘子炒紅花丹皮硃砂各一分海馬一

個斑猫去翅足炒十四個為末酒醋各半升熬為膏每日天明用一皂子大酒醋化下一月病退六十日漸安此藥較桃仁湯更峻宜斟酌用之

陳藏器曰昔有患痔瘡者夢人教每日食大蒜三顆初食遂致瞑眩吐逆下部如火後有人教取數瓣合皮截卻兩

頭吞之名曰內果獲大效本草綱目張景岳治癩停小腸右角與此意同

張子和治汗梁曹大使女年既笄病血痕數年太醫宜企賢以破血等藥治之不愈企賢曰除得陳舟張戴人方愈

一日戴人至汴京曹乃邀問焉戴人曰小腸宜熱于大腸為伏瘕故結硬如塊面黃不食乃用涌泄之法數年之

疾不再旬而愈

柴嶼青乾隆己未寓瀋陽京兆署兵房吏王某患癥疾教以蒸臍法治之兼服加減五積散而愈其妻母同患是證